

Nussuinermi akiliisitsisarnermik ilisarititsineq

Nussuinermi akiliisitsisarneq

Nussuinermi akiliisitsisarnermut malittarisassat Kalaallit Nunaanni aningaasarsianit akileraarusiisarneq pillugu inatsimmi § 36 a-d-mi nanineqarsinnaapput.

Nussuinermi akiliisitsisarneq nioqutissat, sullississutit pigisallu nalillit tigussaasuungitsut, suliffeqarfiit soqutigisatigut imminut attuumassuteqartut akornanni nuunneqartunik akinik aalajangersaasarnermut innersuussivoq.

Illuatungeriit iminnut attuumassuteqanngitsut niueqatigiinneranni tunisisup sapinngisamik akimut qaffasinnerpaamut tunisinissani pissusissamisoortumik soqutigisarisarparaa, akerlianillu pisisup sapinngisamik akikinnerpaamik pisinissaq pissusissamisoortumik soqutigisaralugu. Tamatuma niuernerup niuernermi atugassarititat malillugit ingerlanneqartarnera malitsigaa. Illuatungeriit soqutigisatigut imminnut attuumassutillit niueqatigiinneranni, soqutigisat imminnut assortuuttut atuunneri isumannaagaanngillat, taamaalillunilu niuernermi periutsit nalinginnaasut atorunnaarsinneqarsinnaasarput.

Nussuinermi akiliisitsisarneq immikkoortuuvoq aallutissallugu pingaaruteqartoq, tassani suliffeqarfiit akileraartussaataitanerisa killeqarfiillu akimorlugit naammassisaqarfiulluortumik niuernermit ingerlatsinissamut periarfissaannik sunniisarnera pissutigalugu. Akimik kukkusumik aalajangersaaneq akileraarusiisarnikkut ajornartorsiutinik kinguneqarsinnaavoq, tassani akileraarusiinermit suliassat, akiligassiinerit erniallu ilanngullugit.

Attuumassuteqannginnermik periuseq

Attuumassuteqannginnermik periuseq "ungasinnissamik" imaluunniit "ungasissuunissamik" taaguummerpoq. Taaguut illuatungeriit marluk iliuusaasa imminnut attuumanninnissaannik inuttullu attaveqatigiinnermik soqutigisanilluunniit sunnerneqannginnissaannik attassinissamik innersuussisuuvoq.

Attuumassuteqannginnissamik periuseq *anigaasarsianik akileraarusiisarneq pillugu inatsimmi § 36 a*-mik toqqammaveqarpoq, ingerlatseqatigiiffiillu soqutigisatigut imminnut attuumassuteqartut isertitanik akileraaruserneqartussanik naatsorsuinerminni aningaasanilluunniit nuussinerni, nuussinerit illuatungeriit imminnut attuumassuteqanngitsut akornanni anguneqarsinnaasut naapertorlugit akinik niuernermit atugassarititanik atuisarnissaannik aalajangersaalluni.

Illuatungeriit soqutigisatigut imminnut attuumassuteqartut

Ingerlatseqatigiiffiit marluk soqutigisatigut imminnut attuumassuteqartut isigineqarnissaanni, ingerlatseqatigiiffiup aappaa, ingerlatseqatigiiffimmik aapparminik piginnittuussaqaq, imaluunniit ingerlatseqatigiiffimmi taasisinnaatitaassalluni, taamaalillunilu ingerlatseqatigiiffiup aningaasaataanik 50 procentit sinnerlugit toqqaannartumik toqqaannangitsumilluunniit piginnittuussalluni imaluunniit

taasisinnaatitaanerit 50 procentiinik amerlanernik taasisinnaassalluni, tak. *Aningaasarsianit akileraarusiisarneq pillugu inatsimmi § 36 a.* Naatsorsuinermit aamma piginnittut pigisat taasisinnaatitaanerilluunniit ingerlatseqatigiiffinnik suliffissuarmi attuumasunik inuinnilluunniit qanigisanit pigineqartut aamma ilanngullugit ilaatinneqartarput. Inuttut qanigisatut assersuutigalugu katissimasatut aapparisaat, angajoqqaat, aanaakkut/aataakkut, meeqqat, ernuttat kiisalu qitornassat meeravissiallu isigineqarput.


Aalajangersakkamissaaq suliffeqarfiup immikkoortortai ilaatinneqarput. Tassa ingerlatseqatigiiffiit marluk akornanni niueqatigiinnerit ingerlanneqartut kisimik pineqanngillat. Taamattaq ingerlatseqatigiiffik immikkoortortaminik niueqateqartilluni attuumassuteqanngitsumik periutsit atorlugit akinik aalajangersaasassaaq, tamatumani ingerlatseqatigiiffiup Kalaallit Nunaanniinera, immikkoortortallu nunani allaniinera imaluunniit killormut inissisimanerat apeqqaatinnagu.

Soqutigisatigut attuumassuteqartut inissiineq naapertuuppoq, suliffeqarfimmi Akileraartarnermut Aqutsisoqarfimmut paasissutissiinissamut pisussaaffeqarpoq, taamaalillunilu soqutigisatigut attuumasunik niueqatigisamut niueqatigiinnerup qanoq ittuunera annertussialuunniit uppersartusaa allugu. Tamanna tulliuuttumi annertunerumik paasissutissiisutigineqarpoq.


Piginnittuunermut assersuutit



Toqqaannartumik piginnittuuneeq



Toqqaannanngitsumik piginnittuuneeq



Toqqaannartumik toqqaannanngitsumillu piginnittuuneeq

Assersuutini pingasuni tamani toqqaannartumik toqqaannanngitsumilluunniit piginneqatigiissutit 50 procentinik annertunerupput. Taamaammallu ingerlatseqatigiiffiit uppersaasiisussaataitaanerit ilaassapput.

Nussuinermit akiliisitsisarnermik paasissutissiisussaataitaaneq uppersaasiisussaataitaanerlu

Akileraartarnermit ingerlatsiviup nussuinermit akiliisitsisarnermik nakkutilliinerminut atatillugu akileraartusaaatitaasunit paasissutissanik pissarsiniarnissani pisariaqartippaa.

Kalaallit Nunaanni suliffeqarfiit akileraartussaataasut tamarmik qanigisat akornanni niueqatigiinnerit ingerlanneqartut attuumassuteqanngitsumik periutsini atugassarititaasut malillugit pisimanerannik aallaavittut paasissutissanik tunniussisussaataallutilluunniit, uppersaasussaataanerannik malitseqartumik aningaasarsianit akileraarusiisarneq pillugu inatsimmi § 36 b-mi aalajangersakkanik arlalinnik atulersitsisoqarpoq. Tassa niueqatigiinnerit illuatungeriit imminnut attuumassuteqanngitsut akornanni pisutulli ingerlanneqarsimanerat uppersarneqartussaavoq.

Tamanna ilaatigut *immersugassiaq S 40*, nammineerluni nalunaarsuinnermut ilanngullugu tunniunneqartukkut pissaaq. Immersugassami ukiup isertitaqarfiusup ingerlanerani suussutsit kiisalu akileraartussaataasup qanigisaminik niuernikkut aningaasanilluunniit nuussinermi annertussutsit akuuffigisai pineqarput. Assersuutitut taaneqarsinnaapput suliffeqarfissuup iluani taarsigassarsiat suliffeqarfissuulluunniit iluani nioqqutissanik pisinerit. Nakkutilliinermi paasissutissiinerit Akileraartarnermut ingerlatsiviup nakkutilliinermi akileraarusiisarnikkut pissutsinik annertunerusumik qulaajaanissaanik periarfissaqarluarneruneranik periarfissiipput.

Killilimmik uppersaasiisussaataaneq uppersaasiisussaataanginnerluunniit
Suliffeqarfiit minnerusut nussuinnermi akiliisitsisarnermik uppersaasiisutininik suliaqarnermi naapertuutinnngitsumik nammakkersorneqarnissaat pinaveersimatinniarlugu, § 36 b, imm. 4-mi suliffeqarfiit 250 inorlugit sulisullit imaluunniit ukiumut 125 mio. kr.-t inorlugit ataatsimut naatsorsuutitigut oqimaaqatigiissitillutilluunniit ukiumut 250 mio. kr.-t inorlugit kaaviiartitalit killilimmik uppersaasiisussaataaneremut uppersaasiisussaataanginnermulluunniit ilaatinneqarput.

Suliffeqarfiit minnerit nunanik Kalaallit Nunaata marloqiusamik akileraannginnissamik isumaqatigiissusiorfigisaanik niueqateqartut allakkatigut uppersaatinik suliaqartassanngillat.

Suliffeqarfinnullit minnerut soqutigisatigut attuumassuteqarfigisanik niueqateqartunut killilimmik uppersaasiinissaq ukununnga atuuppoq:

- 1) Inuk suliffeqarfilluunniit nunami Kalaallit Nunaata marloqiusamik akileraannginnissamik isumaqatigiissuteqarfiginngisaani angerlarsimaffilik
- 2) Aalajangersimasumik ingerlatsivik nunami Kalaallit Nunaata marloqiusamik akileraannginnissamik isumaqatigiissuteqarfiginngisaani inissisimasoq
- 3) Suliffeqarfik nunami Kalaallit Nunaata marloqiusamik akileraannginnissamik isumaqatigiissuteqarfiginngisaani angerlarsimaffilik, peqatigisaanillu suliffeqarfik Kalaallit Nunaanni aalajangersimasumik ingerlatsivilik.

Tamakkiisumik uppersaasiisussaataaneq

§ 36 b naapertorlugu uppersaatait akileraartarnermut ingerlatsivimmut nassiunneqartussat, *Ingerlatitsinerit nakkutigisaasunut akigititanik aalajangersaanernut uppersaatait pillugit Namminersorlutik Oqartussat nalunaarutaanni nr. 43, 25 november 2020-meersumi takuneqarsinnaavoq.*

Uppersaatait nalunaarutininik marlunnik imaqarput. Nalunaarut *siulleq* (Master file) suliffeqarfissuarmut tunngavoq, tassa suliffeqarfik Kalaallit Nunaanni akileraartussaataasooq kisimi pinnani, suliffeqarfissuarli tamarmi, ingerlatseqatigiiffinnik

arlalinnik Kalaallit Nunaata avataaniittunik il.il. sanarfineqarsinnaasoq. Nalunaarutip *aappa* (Local file) ilanngussartalik, suliffeqarfimmik nunatsinni angerlarsimaffeqartumik kiisalu niuernikkut nuussinernik suliffeqarfiup S 40-mik immersukkami ilanngussaani nassuiaassisuvoq. Allatut oqaatigalugu alloriarnerit suliffeqarfiit nussuineri akiliisitsisarnermik malittarisassat naammassiniarlugit alloriarneri nalunaarummi nassuarneqarput, tassa nuussinerit aalajangersimasut attuumassuteqannginnermik atugassarititat atorlugit pisimanagerat.

Suliffeqarfik aamma sanillersuussisumik nalunaarusiortussaavoq, taannalu inuussutissarsiornermik assingusumik ingerlatsisuni suliffeqarfiit paasissutissaataannik imaqassaaq. Isertitanik sanillersuussineq aallunneqarpoq. Suliffeqarfiit assigiimmik ingerlatsisut pigisanik nalilinnik atugassanngortitsisut niuernermilu assingusumik aarlerinaatinik nammataqartut assigiikkannersumik isertitaqarnissaat eqqarsaataavoq. Taanna *FAR-mik misissueqqissaarnermik* taasarpaput.

Sanillersuussisumik nalunaarusiap assersuutigalugu kalaallit suiffeqarfiutaat nakkutilliivigineqartoq suliffeqarfinnit sanillersuussanit annertuumik appasinnermik isertitaqartoq takutippagu, naak kalaallit suliffeqarfiat assingusunik atuuffeqaraluartoq, pigisanik nalilinnik assingusunik atugassanngortitsilluni, aarlerinaammillu assingusumik nammataqarluni, tamatuma kalaallit suliffeqarfiata nakkutilliivigineqartup aningaasartuutunik amerlanernik nammakkerneqarluniluunniit niuernermi illuatungeriit imminnut attuumassuteqanngitsut akornanni niuernivimmit annikinnerusumik akilerneqarnera ilimanarsisinneqarsinnaavoq. Tamatumalu Kalaallit Nunaanni nalikinnerusumik akileraarusiivigineqarneq, assinganillu nunani allani qaffasinnerusumik akileraarusiivigineqarneq nassatarissavaa.

Ukioq isertitaqarfiusumit 2023-mit malittarisassat nutaat

Ukioq isertitaqarfiusoq 2022 ilanngullugu suliffeqarfiit uppernarsaasissussaataitanermik ilaatinneqartut Akileraartarnermut Aqutsisoqarfimmit piunaffigineqarnerminni nussuineri akiliisitsisarnermik uppernarsaatinik takutitsisussaataapput.

Ukioq isertitaqarfiusoq 2023-mit suliffeqarfiit tamakkiisumik uppernarsaasissussaataitanermut ilaasut, pinngitsoornatik nussuineri akiliisitsisarnermut uppernarsaatinik Akileraartarnermut ingerlatsivimmut nassitsisussaataapput. Tamanna kingusinnerpaamik nammineeirluni nalunaaruteqarnerup nassiunnissaanut killiliussap kingorna ullut 60-it qaangiunneranni pissaaq. Tamanna Inatsisartut inatsissaanni nr. 30, 25. november 2022-mi § 36 b-mi nutaakkut akuerineqarpoq. Taamattaaq Nussuineri akiliisitsisarneq pillugu uppernarsaammik tunniussinissamik akileraartussaataitasut pisussaaffeqarnerat pillugu Namminersorlutik Oqartussat nalunaarutaat nr. 54, 17. Oktober 2023-meersoq innersuussutigineqarpoq.

Nussuineri akiliisitsisarneq, attuumassuteqannginnermik periutsip atorneqarnera pillugu imaluunniit nussuineri akiliisitsisarnermik uppernarsaatinik tunniussineq pillugu erseqqinnerusumik paasissutissat pillugit Akileraartarnermut Aqutsisoqarfik attavigiuk, imaluunniit OECD.org ilaatigut tuluit oqaasii atorlugit ilitsersuutinut annertuunut periarfissiisumik annertunerusumik atuarit.